

甯化李世熊著

中
事
感
德

後學張召南署



重印史感物感序

族祖元仲公自有甯化以來第一人也以黃石齋爲師黎
媿曾爲弟易堂九子爲友道德學問卓越千古文章其餘
事耳文章之著者甯化縣志錢神志寒支詩文集史感物
感又文章之餘耳顧甯化縣志錢神志寒支集板存吾郡
戶有其書史感物感則以犯清忌諱世無坊本鄉人秘相
傳襲知者蓋寡民國七年黎君季菴始校訂而翻印千部
可謂顯已曾未數年已寥寥若晨星以是卜人心之趨向
不脛而走不謀重印不足以饜人望魁不自揣爰集資募

印若干以廣流傳竊因之有感焉當有明之季人心壞極故公不禁覽古以傷今借物以寄慨今之人心風俗變化離奇不可測度視昔之壞有其過之無不及也若公當斯時不知所感有加抑所感別有在也然藥世之金鍼已思過半矣則是書豈僅吾族之光亦世道人心之津筏云爾
民國十三年甲子夏六月族孫興魁謹譔

重刊史感物感紀言

世衰道微觸處增感古今不甚相遠也吾寧李元仲先生以明季遺民稟千秋正氣不獲以學問經術匡濟當時因而廣著述以垂後世所著多有功名教史感物感卽其一也篇中論世知人寓言寄慨春秋褒貶葩經諷刺兼而有之其所以正人心維世道而使貪夫廉懦夫立者躍然於楮墨之間往年黎君季庵以董修寧化縣志得是書而翻印之今先生族裔星耀君謀再印而推廣之是書遭明季文網罕有流傳今猶得一再刊布昭示來茲不終爲文網

所錮蓋先生靈爽所憑兩間正氣所護有不可得泯滅者
後之人讀是書而觀感興起則淪佚崩橫之事其庶幾末
減也乎

中華民國十有三年夏六月後學劉貴姚薰沐謹志

史感物感序

人秉天地之氣受父母訓讀聖賢書處而修身出而治國得遂其志此士之樂者也若不得其志乃士之苦苦而不改其行則苦也而樂寓焉喪亂之世士之不得志而改行者有矣未有不改行而能得志者也若不得志且不改行放迹江湖棄利祿如敝屣以著述自怡其文章氣節必可照耀古今明之亡也公卿大夫之負盛名食厚祿者多不知忠義廉恥爲何物反顏事二重享榮華恬不爲怪良可悲也而貧賤之士窮處山林乃至有興種族之悲以身徇

國卽於義可以不死終爲遺民抱缺守殘至死不渝者亦
間見於天下是雖數百年養士之報抑士之砥礪氣節者
自得於殘山賸水間以畢一代興亡之局而存兩間之正
氣也福建甯化李元仲先生明遺民之一也隱居泉上圃
琬巖見明社已屬清夷衣冠禮樂觸目傷心故讀書不涉
世事娛遊山水以諸生終其身所往來多賢儒碩士與寧
都魏禮南昌彭士望上杭劉坊最契觀其所友可想見先
生之爲人也先生著述宏富不忘種族之念所爲文多激
昂慷慨之詞其狗馬史記一書清代文網嚴密不得其傳

如寒支集錢神志寧化縣志史感物感雖於富藏家可得一二而代遠年湮亦將成廣陵絕調矣予侍父客閩垂廿餘年耳先生之名久矣私衷敬慕未嘗刻忘顧年來奔走天涯萍踪靡定常以不得遺書爲憾今春隨粵軍征閩秋間克復汀州奉令知甯化事下車伊始卽訪覓先生遺書得見史感物感一册孝悌忠信禮義廉恥隨處託諷貪可廉懦可立真有功世教之書也但所存者僅一部懼將湮沒爰與修志局及紳學界諸君子會議集貲重刊刷乙千册以廣流傳聊抒夙願以先生之文章氣節可傳諸史館

可建立專祠若此區區未足表其生平之萬一然卽以此
爲嚆矢可乎議成諸君子屬予爲序予素不能文何以爲
詞雖然亦安可無言以副諸君子之屬勉撰數語唯諸君
子正之而附於諸序之末可也

中華民國七年秋八月望日湘陰吳曄撰

史感物感序

天下之大禍莫甚於宗廟荆棘社稷邱墟世道之大變莫甚於三綱解紐四維不張人心之大患莫甚於冠蓋犬羊鬚眉妾婦舉人世目不忍見耳不忍聞者而觸擔當世教魁壘鴻碩之士之一身何恫如之其忠孝節義之正氣與悲歌慷慨俱流無疑也然則李元仲先生之史感物感其能已乎當明鼎革先生以一名諸生抗節巖穴清代徵辟皆不起一時勝國舊臣或強顏爲興朝人傑其視先生何如也先生視之又何如也蔡子英曰人臣事君如女之事

夫夫亡不可以適人禮義廉恥所繫也又曰維新之朝何
所取於寡廉鮮恥之人而必欲臣之先生不幸身丁其時
親見其人又不幸習見不孝不悌種種敗類之人而縱觀
歷史其成迹遺事雖蠻夷戎狄巾幗縑流多足愧殺此輩
間有爲此輩嚆矢者類皆國家將亡之妖孽所謂君子猿
鶴小人蟲沙也狗戴冠駒生人變幻離奇五行志與莊書
有心人更進一解矣夫咨女殷商諸詩離騷諸篇皆身不
逢時者之所爲其取鑒前車寄懷庶物似亦此書所昉然
彼憂讒畏譏諷刺見諸言外此書痛快淋漓處不恤顯觸

時忌故前朝與狗馬史同諱今如豐城寶劍大燭斗牛則
黎君發表之力吳大令捐資剗剗之功亦先生道德文章
之靈不可埋沒也夫

中華民國七年中秋節後學張守先謹序

史 物 感 序

史感物感序

王夫之讀通鑑論於夷亂華也攻之也力闢之也嚴寒支先生之史感傷心異族兼寓善惡褒貶其憤世疾俗與王同其心則更苦矣何者史感不足繼以物感也郭璞註爾雅也剝瑕礫擻蕭稂朗朗言之使博物不惑多識鳥獸草木之名物感者借端立言隱語諷世抑其苦心愈超出郭上矣嗚呼大丈夫不得志於時埋頭窗下著書立說以洩胸中不平之氣往往而有況生當鼎革宇宙腥膻欲言不敢直言欲默不忍終默而其志尤足哀者乎故謂先生之

著此二書也識之精意之奇心之苦恐王郭見之瞠乎其
後豈尋常著作可並哉寄託宏深如靈均之香草美人修
辭奇聳似南華之秋水山木使丁盛世展其經濟學問直
可上追管葛惜乎處血舌籍市讜言冀野之秋匪難兼善
天下卽可歌可泣之文字且不能直抒胸臆而爲此隱語
寓言冀識者之觀感而興起甚可悲矣然先生之遯跡泉
石不事異族憤人心之無良傷世道之荆棘聚精會神特
開生面之作可與龍門爭席者尤有狗馬史記恨此書久
已堙滅徒令人夢想耳或者得如所南之心史千載後猶

發見於枯井乎鬼神呵護未可知也嗚呼狗馬史雖未窺
全豹二感亦狗馬史之嚆矢也慰情勝無耳今秋修志局
總纂黎君寄庵欲重將此書出版懷碩果僅存之慮與保
存國粹之心舉至善也予適在局爲名譽修纂意最贊同
且不勝欣忭故不揣謏陋聊貢數言以誌景仰前輩之微
忱焉

民國七年舊歷中秋節天襄謹序

史
感
物
感
序